

四庫全書

史部

欽定四庫全書

明會典卷三十五

戶部二十

庫藏四

鹽法一

國朝鹽課專以供給邊方糧餉或水旱凶荒亦藉賑濟其利甚博然必私鹽禁嚴而後官鹽流通法久弊滋故自洪武以來鹽法條件因時漸密云

諸司職掌

凡天下辦鹽去處每歲鹽課各有定額年終各該運司并鹽課提舉司將周歲辦過鹽課出給中信通關具本入遞奏繳本部委官於內府戶科領出立案附卷作數及查照繳到通關內該辦鹽課比對原額有虧照數追理其客商興販鹽貨各照行鹽地方發賣不許變亂合用引目各運司申報本部委官關領本部將來文立案委官於內府印造候畢日將造完引目呈堂關領回部

督匠編號用印完備明立文案給付差來官收領回還
取領狀入卷備照其各處有司凡有軍民客商中賣官
鹽賣畢隨即將退引赴住賣官司依例繳納有司類解
各運司運司按季通類解部本部塗抹不用凡遇開中
鹽糧務要量其彼處米貴賤及道路遠近險易明白定
奪則例立案具奏出榜給發各司府州并淮浙等運司
張掛召商中納

鹽課衙門

兩浙都轉運鹽使司

許村場鹽課司

本司仁和場鹽課司

嘉興分司

西路場鹽課司

鮑郎場鹽課司

蘆漚場鹽課司

海沙場鹽課司

橫浦場鹽課司

松江分司

下沙場鹽課司

青村鹽場課司

袁浦場鹽課司

浦東場鹽課司

天賜場鹽課司

青浦場鹽課司

下沙二場鹽課司

後增

下沙三場鹽課司

後增

寧紹分司

西興場鹽課司

錢清場鹽課司

三江場鹽課司

曹娥場鹽課司

龍頭場鹽課司

石堰場鹽課司

鳴鶴場鹽課司

清泉場鹽課司

長山場鹽課司

穿山場鹽課司

玉泉場鹽課司

大嵩場鹽課司

昌國正鹽場鹽課司

正統五年裁革

溫台分司

永嘉場鹽課司

雙穗場鹽課司

長林場鹽課司

黃巖場鹽課司

杜瀆場鹽課司

長亭場鹽課司

天富南鹽場鹽課司

天富北鹽場鹽課司

兩淮都轉運鹽使司

泰州分司

富安場鹽課司

拼茶場鹽課司

安豐場鹽課司

角斜場鹽課司

梁垛場鹽課司

東臺場鹽課司

何垛場鹽課司

小海場鹽課司

草堰場鹽課司

丁溪場鹽課司

淮安分司

白駒場鹽課司

劉莊場鹽課司

廟灣場鹽課司

板浦場鹽課司

伍祐場鹽課司

徐瀆浦場鹽課司

莞瀆場鹽課司

臨洪場鹽課司

新興場鹽課司

通州分司

呂四場鹽課司

餘東場鹽課司

餘中場鹽課司

餘西場鹽課司

金沙場鹽課司

西亭場鹽課司

石港場鹽課司

馬塘場鹽課司

掘港場鹽課司

豐利場鹽課司

天賜場鹽課司

福建都轉運鹽使司

上里場鹽課司

浯州場鹽課司

海口場鹽課司

牛田場鹽課司

惠安場鹽課司

涵州場鹽課司

金史卷之三十五
第三十五
潯美場鹽課司

山東都轉運鹽使司

膠來分司

信陽場鹽課司

濤洛場鹽課司

石河場鹽課司

行村場鹽課司

登寧場鹽課司

西由場鹽課司

海滄鹽課司

濱樂分司

王家岡場鹽課司

官臺場鹽課司

固堤場鹽課司

高家港場鹽課司

新鎮場鹽課司

寧海場鹽課司

豐國場鹽課司

永阜場鹽課司

利國場鹽課司

豐民場鹽課司

富國場鹽課司

永利場鹽課司

河間長蘆都轉運鹽使司

滄州分司

海潤場鹽課司

阜民場鹽課司

利國場鹽課司

海豐場鹽課司

利民場鹽課司

益民場鹽課司

海阜場鹽課司

阜財場鹽課司

富民場鹽課司

潤國場鹽課司

深州海盈場鹽課司

青州分司

越支場鹽課司

嚴鎮場鹽課司

惠民場鹽課司

興國場鹽課司

富國場鹽課司

蘆臺場鹽課司

豐財場鹽課司

厚財場鹽課司

三汊沽場鹽課司

石碑場鹽課司

歸化場鹽課司

濟民場鹽課司

廣東鹽場提舉司

小江場鹽課司

石橋場鹽課司

東莞場鹽課司

招收場鹽課司

靖康場鹽課司

姪銅場鹽課司

隆井場鹽課司

淡水場鹽課司

雙恩場鹽課司

鹹水場鹽課司

歸德場鹽課司

黃田場鹽課司

海晏場鹽課司

香山場鹽課司

海北鹽課提舉司

博茂場鹽課司

新安場鹽課司

武郎場鹽課司

茂暉場鹽課司

白石場鹽課司

大小英感恩場鹽課司

臨川場鹽課司

三村馬象場鹽課司

官寨丹堯場鹽課司

白沙場鹽課司

博頓蘭馨場鹽課司

西鹽白皮場鹽課司

蚕村調樓場鹽課司

陳村樂會場鹽課司

東海場鹽課司

河東都轉運鹽使司

解河東場分公司

成化十年設

解鹽西場分公司

同前

解鹽中場分公司

弘治二年設

陝西

靈州鹽課司

漳縣

西河縣

四川

鹽課提舉司

廣福等三井鹽課司

仙泉井鹽課司

華池等三井鹽課司

郁山井鹽課司

通海等三井鹽課司

涂甘井鹽課司

上流等九井鹽課司

永通等七井鹽課司

羅泉等五井鹽課司

黃市等二井鹽課司

大寧縣大寧場鹽課司

福興等六井鹽課司

新羅等二井鹽課司

雲安場等五井鹽課司

富義等十三井鹽課司

鹽井衛

黑鹽井鹽課司

白鹽井鹽課司

雲南

黑鹽井鹽課提舉司

黑鹽井鹽課司

阿陋猴井鹽課司

琅井鹽課司

白鹽井鹽課提舉司

白鹽井鹽課司

安寧鹽井鹽課提舉司

安寧鹽井鹽課司

五井鹽課提舉司

師井鹽課司

諾鄧鹽井鹽課司

山井鹽課司

大井鹽井鹽課司

順盭鹽井鹽課司

鹽課數目

諸司職掌

兩浙鹽運司

鹽場三十五處歲辦鹽二十二萬四百五十七引二百斤零

福建鹽運司

鹽場七處歲辦鹽一十萬四千五百七十二引三百斤零

山東鹽運司

鹽場一十九處歲辦鹽一十四萬三千三百八

十七引一百五十斤零

兩淮鹽運司

鹽場二十九處歲辦鹽三十五萬二千五百七

十六引一百斤零

北平河間鹽運司

後改河間長蘆鹽運司

鹽場二十四處歲辦鹽六萬三千一百五十三

引三百斤零

廣東鹽課提舉司

鹽場一十四處歲辦鹽四萬六千八百五十五引一百斤零

海北鹽課提舉司

鹽場一十五處歲辦鹽二萬七千四十引二百斤零

陝西

西和縣歲辦鹽一十三萬一千五百三十斤零
漳縣歲辦鹽五十一萬五千六百七十斤零

靈州歲辦鹽二百八十六萬七千四百七斤

後增

四川鹽課提舉司

上流等九井鹽課司歲辦鹽一百九十一萬九千五百七十斤零

永通等七井鹽課司歲辦鹽八十四萬四千七百七十斤

郁山井鹽課司歲辦鹽二十二萬六千八百斤

魯井鹽課司歲辦鹽一十六萬四千二百斤零
雲安場等二井鹽課司歲辦鹽二百一十二萬
四千六百二十斤

通海等三井鹽課司歲辦鹽二十四萬四千三
百三十斤零

福海等六井鹽課司歲辦鹽四十九萬七百七
十斤

廣福等三井鹽課司歲辦鹽二十二萬四千四

百七十斤零

華池等三井鹽課司歲辦鹽二十二萬四千二百二十斤

新羅等二井鹽課司歲辦鹽七十二萬五千五百斤

富義等一十一井鹽課司歲辦鹽一百八十八萬八千斤

羅泉等二井鹽課司歲辦鹽三十二萬一千三

百斤零

黃市等二井鹽課司歲辦鹽六十九萬四十斤
仙泉井鹽課司歲辦鹽三萬八千八百五十斤

雲南

五井鹽課提舉司歲辦鹽二十七萬二千一百

三十七斤零又折綿布七百二十段

布每件長一丈一尺

闊八寸

黑鹽井鹽課提舉司歲辦鹽五十七萬二千三

百四十斤零

安寧鹽井鹽課提舉司歲辦鹽七十七萬二千六百八十斤零

白鹽井鹽課提舉司歲辦鹽二十一萬七百二十斤零

河東鹽運司

歲辦鹽六千八十萬斤

見今歲辦鹽課數目

山東鹽運司

每歲改辦小引鹽二十八萬四千一百二十四引一百六十二斤

本色鹽一十四萬九千八百九十七引一百六十二斤

折色鹽一十三萬四千二百二十七引

兩淮鹽運司

每歲改辦小引鹽七十萬五千一百八十引

本色鹽共六十四萬二千六百九十五引

存積鹽二十五萬八百二十九引

常股鹽三十九萬一千八百二十五引

折色鹽六萬二千四百八十五引

浙江鹽運司

每歲改辦小引鹽四十四萬四千七百六十九引一百四十九斤二兩

本色鹽共二十二萬三千一百六十一引二十

斤七兩三分

存積鹽八萬九千二百六十四引八十八斤

常股鹽一十三萬三千八百九十六引一百三十二斤

折色鹽二十二萬一千六百八引一百二十八斤十兩九錢七分

福建鹽運司

每歲辦大引鹽一十萬五千三百四十引二百

六十五斤八兩九錢

本色鹽四萬七千四百五十六引二百七十八斤四兩九錢

折色鹽五萬七千八百八十三引三百八十七斤四兩

廣東鹽課司見今歲辦如舊額

海北鹽課司

每歲辦鹽一萬九千四百八十三引四百九十

斤

本色鹽一萬三千三百八十引一百斤

折色鹽六千一百三引九十斤

雲南

五井鹽課司

安寧井鹽課司已上二司見今歲辦無定數

黑鹽井鹽課司歲辦鹽六十一萬六千三百七

十斤

白鹽井鹽課司歲辦鹽三十三萬四千三百一十四斤

四川

上流等井鹽課司歲辦鹽二百七十九萬四千四十五斤零

永通等井鹽課司歲辦鹽二百六十一萬八千八百四十一斤零

郁山井鹽課司歲辦鹽七十三萬二千二百

塗井鹽課司歲辦鹽二十八萬七千八百一十五斤

雲安場井鹽課司歲辦鹽二百四十九萬八千四百九十一斤零

通海等井鹽課司歲辦鹽九十二萬一千三百三十斤零

廣福等井鹽課司歲辦鹽五十五萬六千三百二十五斤零

華池等井鹽課司歲辦鹽六十三萬四千五百三十二斤零

新羅等井鹽課司歲辦鹽九十九萬五千八百七十八斤零

富義等井鹽課司歲辦鹽三百六十七萬九千二百七十二斤零

羅泉等井鹽課司歲辦鹽一百二十四萬四千一百二十七斤零

黃市等井鹽課司歲辦鹽一百七萬五千六百
一斤零

仙泉井鹽課司歲辦鹽二百一十三萬七千六
百一十五斤零

福海等井鹽課司見辦如舊額

河間長蘆鹽運司

每歲改辦小引鹽一十八萬八百七引一百八
十八斤零

本色鹽共一十三萬五千七百七十五引八十
六斤零

存積鹽三萬六千一百六十一引

常股鹽九萬九千六百一十四引八十六斤零
折色鹽四萬五千三十二引一百一十斤零

河東鹽運司

每歲辦鹽四十二萬引

存積鹽一十二萬六千引

常股鹽二十九萬四千引

陝西靈州西河漳縣見今歲辦皆如舊額

行鹽地方

諸司職掌

山東鹽運司

濟南府

青州府

兗州府

東昌府

萊州府

東平州

開封府

登州府

徐州

邳州

宿州

兩浙鹽運司

杭州府

紹興府

寧波府

台州府

溫州府

蘇州府

衢州府

處州府

徽州府

嘉興府

湖州府

松江府

嚴州府

常州府

鎮江府

廣信府

金華府

廣德州

兩淮鹽運州

應天府

寧國府

太平府

揚州府

鳳陽府

廬州府

安慶府

池州府

淮安府

和州

南昌府

九江府

南康府

建昌府

贛州府

南安府

臨江府

撫州府

吉安府

袁州府

瑞州府

饒州府

武昌府

黃州府

沔陽州

岳州府

夷陵州

荊州府

常德府

長沙府

澧州

沅州

衡州府

德安府

辰州府

安陸州

靖州

襄陽府

寶慶府

廣東鹽課提舉司

廣州府

肇慶府

惠州府

韶州府

南雄府

潮州府

德慶府

海北鹽課提舉司

雷州府

高州府

廉州府

桂林府

柳州府

梧州府

潯州府

慶遠府

南寧府

平樂府

瓊州府

永州府

郴州

太平府

田州府

思明府

鎮安府

龍州

泗城州

奉議州

利州

桂陽州

四川鹽課提舉司

成都府

嘉定府

州今為

叙州府

潼川州

順慶府

保寧府

廣元縣

夔州府

廣安州

雅州

福建鹽運司

福州府

興化府

泉州府

汀州府

漳州府

邵武府

建寧府

延平府

陝西漳縣西和二縣

鞏昌府

臨洮府

河州

雲南布政司

五井鹽課提舉司

黑鹽井鹽課提舉司

安寧鹽井鹽課提舉司

白鹽井鹽課提舉司

長蘆鹽運司

後增

順天府

真定府

保定府

順德府

廣平府

大名府

永平府

河間府

隆慶州

保安州

彰德府

衛輝府

河東鹽運司

後增

西安府

漢中府

延安府

鳳翔府

懷慶府

河南府

汝寧府

南陽府

平陽府

潞州

澤州

沁州

遼州



明會典卷三十五

欽定四庫全書

史部

明會典卷三十六

詳校官編修臣裴謙

編修臣程嘉謨覆勘

總校官知縣臣繆瑱

校對官編修臣陳昌齊

謄錄監生臣韋官統

欽定四庫全書

明會典卷三十六

戶部二十一

鹽法二

事例

洪武初定鹽引目內條例凡兩淮運司遇客商販賣鹽貨每鹽二百斤為一引給與半印引目每引納官本米若干收米入倉隨即給引支鹽凡各場竈丁人等除正

額鹽外將煎到餘鹽夾帶出鹽場及私鹽貨賣者絞百
夫長知情容縱或通同貨賣者同罪兩鄰知私煎鹽貨
不首者杖一百充軍凡守禦官吏巡檢司巡獲私鹽俱
發有司歸問犯人絞有軍器者斬鹽貨車舡頭匹沒官
引領牙人及窩藏寄放者杖一百發煙瘴地面充軍挑
挑擔馱載者杖一百充軍有能自首者免罪常人捉獲
者賞銀一十兩仍須追究是何場分竈戶所賣鹽貨依
律處斷鹽運司拿獲私鹽隨發有司追斷不許擅問有

司通同作弊脫放與犯人私鹽同罪凡起運官鹽每引
四百斤帶耗鹽一十斤為二袋客鹽每引二百斤為一
袋經過批驗所依數掣摺官鹽自揚子江至湖南襄鄧
俱係經過官司辨驗鹽引如無批驗掣摺印記者笞五
十押回盤驗凡諸色軍民權豪勢要人等乘坐無引私
鹽舡隻不伏盤驗者杖一百軍民俱發煙瘴地面充軍
有官者依上斷罪罷職凡將官運鹽貨偷取或將沙土
揷和抵換者計贓比常盜加一等如係客商鹽貨以常

盜論客商將買到官鹽揀和沙土貨賣者杖八十凡客商興販鹽貨不許鹽引相離違者同私鹽追斷如賣鹽了畢五日之內不行繳納退引者杖六十將舊引影射鹽貨同私鹽論罪偽造鹽引者處斬凡起運官鹽并場戶往來舡載上倉將帶軍器者並行處斬凡諸人買私鹽食用者減販私鹽人罪一等因而販賣者處絞凡各處鹽運司運載官鹽許用官舡轉運如竈戶鹽丁却用別舡裝載即同私鹽科斷 置兩淮都轉運鹽使司定

歲辦鹽數每引四百斤官給工本米一石 置兩浙都
轉運鹽使司定歲辦鹽其引之斤重亦如兩淮 二年
置山東北平河間都轉運鹽使司及靈州鹽課司廣東
海北提舉司歲辦鹽課每引四百斤置河東都轉運鹽
使司歲辦鹽課每引二百斤 十五年置雲南鹽課提
舉司 十七年定兩淮兩浙鹽工本鈔每引二貫五百
文河間廣東海北山東福建四川每引俱二貫 二十
三年定兩淮兩浙各竈戶每丁歲辦小引鹽十六引引

重二百斤復鹽工丁半之其餘工丁四引 令兩淮兩
浙引鹽斤重復如舊 二十七年令優免鹽丁雜泛差
役 令兩浙兩淮竈戶有犯笞杖斷決徒流遷徙雜犯
死罪者止杖一百仍發煎鹽其事故竈丁勘實以附近
有田糧丁力相應人戶撥補 凡公侯伯及文武四品
以上官不得令家人奴僕行商中鹽侵奪民利 二十
八年令各處邊方缺糧本部奏請開中納米定為則例
出榜召商於缺糧倉分上納仍先編置勘合并底簿發

各該布政司并都司衛分及收糧衙門收掌如遇客商
納完糧填寫所納糧并該支引鹽數目付客商賣各該
運司及鹽課提舉司照數支鹽其底簿發各運司及鹽
課提舉司收掌候中鹽客商納米完賣執勘合到比對
硃墨字號相同照數行場支鹽 又令兩淮兩浙鹽運
司煎鹽工本照各場額辦鹽數關鈔遣監生管運給散
山東福建河東止於官庫內關領給散 永樂十七年
令各處客商原中不拘資次鹽引遇到即支 又令中

鹽客商賈倉鈔赴運司運司查原來印信比對明白即
與派場支鹽 宣德四年令各運司提舉司查勘中鹽
客商土民年遠事故者行原籍官司每引給資本鈔二
十錠 五年罷差監生於兩淮兩浙給散煎鹽工本鈔
每歲照山東例於官庫內關領給散 令往來內官內
使官軍人等夾帶私鹽者許應捕官軍人等盤拿 九
年令各處運司并鹽課司但有客商夾帶私鹽者原支
引鹽俱沒入官 十年令各處總兵鎮守及沿河捕盜

錦衣衛官監察御史浙江等布政司直隸府州縣各巡按監察御史及按察司官俱設法緝捕私鹽如巡檢司捉獲私鹽者准作事蹟若雖獲盜而不獲私鹽者不准陞用其各處軍官縱家人興販者家人問罪正犯發本衛充軍若所管旗軍餘丁興販者該管官旗一體坐罪又令各運司提舉司查勘過限未繳鹽引及客商貫址造冊送部行各處巡按御史及各按察司追究銷繳又令竈戶犯該徒罪有力者准納米贖罪 正統元

年令各處有首獲私鹽者鹽入官以鈔照時值給賞

又令兩淮運司竈戶有死絕充軍者有司於有力民戶內僉補若有清出幼丁亦照舊額收補 二年令竈丁

逃移者鹽課勘實停徵 令兩淮官鹽聽客商於貴州

地方貨賣鹽引於鎮遠府告銷 又令兩淮兩浙貧難

竈丁除原額鹽課照舊收納其有餘鹽者不許私賣俱

收貯本場運司造冊發附近州縣每一小引官給米麥

二斗 又令各該中鹽衛分造冊一本具客商名數徑

繳本部其鹽運司仍將該司額辦鹽數申報每年終支
過引鹽及客商姓名另具總數徑申本部註銷 又令
各處竈丁有犯俱免納米及調場笞杖者的決雜犯死
罪與徒流罪者除歲辦額鹽外令每日煎鹽三斤死罪
准工五年流罪准工四年徒五等各照年限俱計日煎
鹽贖罪 裁革寧波府岱山蘆花二場鹽課司鹽課歸
并大嵩場鹽課司催辦 令兩淮運司永樂年間客商
該支引鹽以十分為率支與淮鹽四分其六分允與山

東運司支給不願兌者聽令守支 三年奏准召商納馬中鹽每上等馬一疋一百二十引中等馬一匹一百引 令寬戶起運官鹽運司給批總填數目用印鈐蓋定限給付執照各處批驗所巡檢所巡檢司照數掣摺盤驗送納畢在京於戶部在外於本衙門送繳批發運司查銷 又令各運司給客商引目每引目每引納中夾紙一張至關引之時類解戶部倒引 又令兩淮運司雲南鹽課提舉司官鹽客商中納支給不敷者准於

河東陝西福建廣東各提舉司允支 又令河間長蘆
及河東陝西運司官鹽客商中納支給不敷者准於廣
東海北鹽課司允支 又令長蘆運司商鹽願發賣別
處者聽於所在官司告驗轉給文憑改易地方其退引
水程仍照例告繳 又令各邊召商中納鹽糧淮浙兼
中如以十分為率淮鹽八分浙鹽二分或淮鹽七分浙
鹽三分淮鹽止米麥二色浙鹽雜糧皆准 又令陝西
四川雲南中鹽客商免納引紙 又令販賣私鹽軍民

人等有能捕獲百斤以上至二千斤以上為止每鹽一斤賞鈔一貫其近海近場窮軍貧民有以肩挑易米者不必具奏徑自問結 四年令兩淮貧難竈丁戶下該徵稅糧於本州縣存收免令遠運 五年裁革昌國正監場其鹽課歸併附近穿山場管理添設下砂二場三場鹽課司官吏皆如下砂場設置 令兩淮兩浙長蘆運司每歲額辦鹽課以十分為率八分給與守支客商二分另為收積在官候邊方急缺糧儲召中以所積見

鹽人到即支謂之存積其八分年終挨次給守支客商
謂之常股凡中常股價輕存積價重 又今年遠客商
中鹽未支者每引給資給資本鈔三十錠願守支者聽
六年令兩淮兩浙勸借支鹽客商米麥收積該場賑
給貧難竈丁其該支引鹽仍挨次放支 七年奏准雲
南布政司及遼東等都司衛分每年終將當年收過糧
數并客商姓名貫址填給勘合字號俱造冊繳部其各
處運司提舉司於年終亦將本年客商賣到勘合字號

并姓名貫址及中過鹽糧造冊繳部比對查考 令兩
淮運司所屬鹽場以路塗便利者為上場竄遠者為下
場富安安豐梁垛東臺河垛五上場配臨洪一下場丁
溪草偃小海白駒劉莊伍祐六上場配徐瀆一下場新
興角斜拼茶豐利馬塘石港西停金沙餘西九上場配
板浦一下場餘中餘東呂四三上場配莞瀆一下場拙
捲一上場配廟灣一下場凡支鹽之時上場派盡方以
下場輳數補派以便鹽商 八年奏准永樂洪熙宣德

年間客商原中淮浙長蘆運司引鹽願兌支河東山東
福建運司者每一引支與二引不願者聽其守支 九
年令雲南各鹽課司每竈戶添撥餘丁二人免其差役
專一採薪煎鹽鹽課不許擅除 又令客商中鹽不許
過三千引其所納糧限半年內完足不完者扣日截出
勘合 十年令客商年久不得支鹽願兌支者如係原
中地方准量各場遠近三七關非原中地方一引兌與
二引者量地遠近中半關支 又令山東官臺場鹽課



每二引折納綿布一疋運赴登州府脩遼東支用 又
令湖廣衡州長沙二府屬兩淮行鹽地方 十三年令
兩淮運司於各場利便處置立倉囤每年以揚州蘇州
嘉興三府所屬附近州縣及淮安倉并兗軍餘米內量
撥收貯凡竈戶若有餘鹽送赴該場每二百斤為一引
給與米一石年終具奏造冊中部其鹽召商於開平遼
東甘肅等處開中不拘資次給與兩浙運司及松江嘉
興二分司仁和許村等場亦照此例 十四年令增兩

淮兩浙存積鹽為四分召商供給邊儲 又令中鹽客商先將倉鈔賫赴本部送禮部鑄印局辨驗前去運司支鹽 景泰元年奏准兩浙運司各場凡近場滴丁令於鹽場煎辦鹽課水鄉竈戶離場三十里之外者每丁歲出米六石或折收價物置立倉庫收貯委官專掌按季查算滴丁代納鹽數若干照名給與食用 令增兩淮兩浙存積鹽為六分 又令各處該上鹽糧倉分置立内外字號底簿二扇用半即勘合內號一扇本倉收

外號一扇申送運司候各商賣倉鈔前來比對印信硃墨字號相同仍查原投印信勘合并印信流通文簿俱同每於十二月派場支給造冊繳部查照免商人赴部辨印 又令起運兩京官鹽并客商發賣引鹽南京於龍江批驗所掣摺俱赴江東門北京於張家灣批驗所掣摺俱赴崇文門開報兩京戶部各委官看驗批放入城各門不許混放 又令竈丁餘鹽每引給米淮鹽八斗浙鹽六斗長蘆鹽四斗 又令商人支鹽賣畢截角

退引過期不繳者行各處巡鹽御史按察司查提 又
令各運司提舉司及所屬鹽課司原有山場灘蕩供採
柴薪者不許諸人侵占其年久逃移竈戶及充軍死絕
者即於見在竈戶內以空閒壯丁撥補 又令各處客
商引鹽出場遷延三月不去者拘收入官 又令各商
中到存積官鹽人到即支其常股鹽每年依期將見在
商人挨次量高低場分派搭封驗引目赴場關支備將
商名貫址勘合字號朱鹽數目搭派場分造冊繳部年

終仍將放支過商名鹽數類總造冊送部查照 又令
收糧衙門類填勘合每道客商不得過二十名年終通
將商人糧斛鹽數并倉鈔勘合造冊送部查考 二年
令客商報占鹽數遷延一年之上不報完者即於常股
鹽內派撥挨次闕支 三年奏准淮浙山東長蘆運司
收到客商退引按季類解福建河東陝西運司并四川
雲南廣東靈州小鹽池等鹽課提舉司年終解俱開客
商某於某年月日支出官鹽若干發賣某行鹽地方及

某月日繳到及已繳若干未繳若干其有沉匿在庫通
同庫役人等轉賣影射私鹽者照私鹽榜例問罪 令
各處客商越境貨賣引鹽者不問多寡俱發遼東鐵嶺
衛充軍其所在官司并巡捕巡司官兵人等不行如法
緝拿者一體治罪受財縱放者邊衛充軍若應補人捉
獲及諸人告發者量行給賞 又令客商官鹽內夾帶
私鹽者官私鹽俱沒入官 又令兩淮運司各場竈戶
有將該徵糧草不分起運存留願折納餘鹽者每正糧

米麥豆五斗草五包束各折徵鹽一小引 四年奏准
凡有代支引鹽者戶部行各該府衛體勘各具結狀繳
部方准代支及關給資本鈔或兌換引鹽如有詐冒發
邊衛充軍 令四川鹽課提舉司於每年三月以前具
上中下三等鹽課司并商名引鹽數目挨次挨號扣課
均派開布按二司并巡鹽官處定於三月初一日會同
照引唱名給散以引目連各商通帖散帖封發各鹽課
司收庫分派各井逐月支鹽隨時批訖退引給付各商

限次年三月終繳送提舉司類總轉達布按二司并巡
鹽官比對相同照數完造歲報若遇急用邊糧開中務
亦先年出榜次年三月唱名支鹽 又令各運司提舉
司客商引目支鹽出場該場即為截角仍具商名引數
申繳總司收照 添設四川仙泉井鹽課司副使一員
五年令廣東海北二鹽課司竈丁有私煎餘鹽者送
本司每引官給米四斗 七年奏准凡勢豪軍民人等
聚衆興販私鹽者徑解兵部發鐵嶺衛充軍其巡捕巡

司官兵人等受財故縱及令軍兵用強護送者罪亦如之
天順六年雲南諾鄧鹽井大井鹽井鹽課司各裁革副使一員順盪鹽井鹽課司裁減流官副使一員存留土官副使一員
八年裁革河間長蘆運司佐貳官一員鹽厯司佐貳官一員鹽倉副使一員
成化二年令軍民人等有駕使遮洋大船擺列軍器興販私鹽者邊衛充軍
三年奏准凡越境夾帶興販官私鹽至二千斤以上者不拘軍民舍餘俱充軍舍餘係腹裏者發

邊衛係邊衛者發鐵嶺衛其經過官司及四鄰里老俱
照例問罪若馬快粮舡夾帶者一體究治 四年令內
外官員之家不許占中鹽引其報中客商引數不許過
多并轉賣與人及聽人包攬如違在內從本部并戶科
叅奏在外從巡撫巡按等官究治 又令兩淮各場每
遇年終選差有司官查盤鹽課每三年巡鹽御史親詣
各場查盤 七年令兩淮兩浙運司各場存積鹽課仍
舊止作四分常股增為六分 又令兩淮鄉村竈戶所

在有司連家小發遣各場煎辦不許冒名代替及賣放逃
回 又令山東鄒城縣每歲委官秤掣清洛場商鹽 九
年令兩淮運司凡盤獲一應私鹽并沒官掣割等項商
鹽俱運至儀真批驗所并本所掣割餘鹽通至二萬引
以上開報差官變賣給邊 又令兩浙巡鹽御史督同
布按二司分巡分守官并運司分司官清查各場竈丁
備開海濱諳曉煎辦者若干每丁歲辦鹽若干准折鹽
課若干其絕戶及寡婦鹽課照數開豁以清出多餘殷

實滴丁頂替再有餘丁照例辦課若有幼丁候長成辦
鹽俱造冊脩照仍類造冊送部查考自後每十年一次
清查其水鄉不諳煎鹽竈戶每引納工本銀三錢五分
解送運司給散竈丁或年終類解本部轉送太倉銀庫
及各邊支用 十年修築河東鹽池垣墻置東門以為
出入設解鹽東場分司於安邑縣路村地界撈辦東場
鹽課設解鹽西場分司於解州撈辦西場鹽課每歲運
司輪委佐貳官二員各領印住彼量帶官攢秤斗及提

督巡檢司官兵人等巡視兼捕獲鹽徒修理垣牆 十
一年令長蘆運司凡收割餘鹽積至一千引以上即申
報本部變賣 十二年奏准河東運司鹽丁除正役里
甲該辦糧草外其餘柴夫弓兵皂隸一應雜泛差役丁
少者俱蠲免丁多者亦量減除 令客商支出官鹽并
包夾帶者即同私鹽俱沒入官 十六年奏准凡竈丁
逃亡事故者運司官公同有司僉補其竈丁拖欠鹽課
并鹽價者運司并分公司官催徵拖欠稅糧者府縣官催

徵各不相干預 又令永樂宣德正統年間客商所中
引鹽全未支者各造冊送部於原籍有司關給資本鈔
每引三十錠景奉元年以後未支引鹽願關資本鈔者
聽願守支兌換者兩淮兌福建山東兩浙兌廣東俱每
引加半引不願者聽照舊守支 十七年奏准西安府
人民不許與販靈州鹽課以南陽汝寧二府屬河東運
司行鹽地方與淮鹽兼賣 十八年令各處開中鹽糧
戶部行南京戶部編造勘合底簿之後仍行各運司等

衙門查取客商姓名并原奉某號勘合於某年月日奉某例該支鹽若干開報該部查考其該衙門關領引目之日脩開勘合字號客商姓名比對相同依數給領其客商須過引目鹽斤各運司提舉司務開支過某年項下若干事故者開除候年終通類分豁舊管收除實在數目造冊一樣三本一本送南京戶部查對一本送戶部一本送本處巡鹽御史并風憲官處若有一應奸弊聽該部叅究 開設天賜溝塲并大使副使二員以覈

瀆場原額鹽課派撥三分之二煎辦 裁革安寧鹽課
提舉司提舉一員 令巡捕官員興販私鹽至二千斤
以上發邊衛充軍 十九年奏准正統十四年以前客
商中鹽未支者准鹽每引給資本鈔三十錠兩浙廣東
四川雲南每引二十五錠河東長蘆福建山東每引二
十錠其景泰元年以後願闕者及今告代支故商引鹽
者亦照此例 今南京戶部給發引目其年月日俱一
一鎮定封發各運司等衙門收掌給與商人支鹽敢有

新舊那移者官吏坐以枉法贓罪 又令客商支鹽皆令上下場分三七分派常股存積正收正支如違商人治罪鹽貨入官官吏坐以枉法贓罪 又令客商典當引目與人名為夥支或轉賣有勢之人名為賣支及以假引賣與商人冒頂真引并以舊引轉賃與人影射私鹽者俱問罪引目鹽貨入官 又令客商派定場分守支完即打引出場若無見鹽者止許於本場買補若將已完鹽課捏作未完遺留空引侵盜影射私鹽者鹽貨

價錢並入官官吏縱容以枉法論 又令儀真淮安批
驗所運鹽客商不拘官軍民俱依法掣割其掣割餘鹽
除放支南京各衙門食鹽外巡鹽御史按季督同運司
掌印鹽掣等官變賣時價類解本部 又令各運司派
撥商人下場單帖及引目俱送該管分司驗實印封倒
文轉發該場封收在官聽令守支畢將引截角照鹽出
場 又令運司於客商賣到勘合連底簿俱送巡鹽御
史處比對相同掛號明白方與派場其運司關引之時

該部亦要查數明白如法印封給與領回運司辦驗引
真數足另封收貯逐起給散若商人不到者聽令再領
不許混同收放新舊那移及縱容通同盜賣又令客
商偽造印引詭名貨賣者梟首示衆久住鹽場撥置害
人者遞發原籍當差又令各鹽運司提舉司徵解商人
引紙每一百張收銀三錢委官運南京戶部轉發應天
官庫凡遇本部缺紙先期會計行令該府拘集鋪行
收買送用積有餘銀准折官軍俸糧又令兩浙鹽課

浙西場分每正鹽一引折銀七錢浙東場分每正鹽一引折銀五錢解送太倉銀庫候餘鹽支盡仍納本色

添設兩淮運司副使一員二十一年奏准各運司提舉司鹽課但有奏討者許戶部并科道官糾舉治罪

二十二年添設河東解鹽中場倉設大使副使各一員增歲辦鹽課一十一萬六十引共為四十二萬引二

十三年奏准慶陽府每歲委佐貳官一員監支靈州鹽課司商人納馬官鹽及民間食鹽皆以次相兼給放移

萌城批驗所於紅德城堡令黑城乾溝二路鹽車俱抵
慶陽府城市關廂卸載商人同卸載店主賁執引目赴
府驗過赴行鹽地方貨賣畢引目赴店主銷繳 令各
邊開中引鹽糧草俱不許勢要及內外官員之家求討
占窩領價上納違者從巡按御史糾舉 弘治元年令
各處軍衛舍餘興販私鹽該管官通同縱容者問罪革
去見任 又令兩浙鹽課折銀浙西場分每引原定七
錢者減為六錢浙東場分每引原定五錢者減為三錢

五分候鹽法通如舊徵納 又令支鹽客商每鹽一引
勸借米一斗或麥一斗五升其無鹽自買補者免勸借
又令上納引鹽客商病故無子父母見在兄弟同居
同爨不係別籍異財妻能守志不願適人孫非乞養過
繼者保勘明白俱准代支妻若改嫁仍追還官其伯叔
妾姪并在室出嫁之女及遠族異爨之人不許代支
二年奏准各處掣過引鹽出給水程坐與行鹽地方發
賣畢將引目徑赴所在官司告繳運司提舉司每一年

一次造冊備開各商貫址并違限月日送部轉發該管
司府衛所提問責限追銷 令兩淮運司於各鹽場每
總催一名出通關一紙編立內外號簿用印鈐蓋責付
分司發各場如遇總催名下并該管鹽課納完分司官
查筭歸併倉口別無虧欠方照名填繳仍委官覆盤不
許指倉指囤通同捏作虧折如違該場分司總司官吏
總催委官俱發邊遠充軍戶部該司仍立該年鹽課文
卷一宗已完未完按季照刷戶科立上下半年註銷添

銷之法查考各運司提舉司以每歲辦完鹽課實數年終造冊奏繳即差吏赴戶科註銷又令兩淮各場鹽囤地方皆東西南北為界如南北為門為路則東堆存積西堆常股定立石牌每囤止一千引如總催名下有一千五百引者一千為大囤五百為小囤先儘存積足數然後收常股一年鹽課皆完方徵收下年者委官盤鹽務逐引秤盤不許丈量堆垛查筭又令各處鹽場總催竈丁有犯三年五年徒罪并加役等項每日令煎

鹽三斤通計若干折作引鹽每一小引追銀二錢類總
解京 又令各鹽場該支客商如有見鹽者運司具查
同引目手本付客商賚至巡鹽御史處告投比對數目
相同親筆責限分司官支給如過期不與支給者問罪
又令兩浙水鄉竈丁每鹽一引納銀六錢煎辦竈丁
存積鹽課仍納本色常股鹽課每引折收銀三錢候商
支給將價照例餘勤煎竈戶餘鹽內揀買補課各項諉
納銀兩解到運司聽巡鹽御史委官解京 又令各處

竈戶犯徒罪以上審有力并干礙鹽法囚犯杖徒以上
該納米贖罪者俱發所在場倉照罪上納米穀及入官
舡隻頭畜貨物亦變賣價銀送發該場以備凶年賑濟
貧竈 又令竈戶除全課二十丁三十丁以上通戶優
免若殷實竈戶止當竈丁數名亦止照見當丁數貼竈
此外多餘丁田俱發有司當差其餘全課鹽丁亦照原
擬丁田津貼免其差徭夫馬若姦民詭寄田糧及豪強
竈戶全家影占差徭者就將多餘丁田照數收補逃故

竈丁若詭寄不多者依律問罪田糧改正 又令各商
給領引目自出司到場之日為始中多者不過一十五
年中少者不過十年俱依期支盡起離本場若故意遷
延過違年限倚住害人者依律問罪仍照占中賣窩事
例發落未盡鹽引沒官其勢豪竈戶發賣私鹽及勒捐
該支客商者私賣之數盡追入官該支之數立限給商
仍各治以重罪 又令各處秤掣引鹽止許批驗所官
若本所無官方委運司官有司不得干預 又令各處

歲報鹽課冊內務開寫某運司提舉司每歲額辦鹽課
存積常股數目該本色鹽若干或布米等折貨若干某
場鹽課歲辦若干辦完若干每項各立行款開寫官攢
某人總催某人辦過鹽課或布或米或貨收入某字號
倉囤某年月日完足出給某字號通關送繳查算無差
各款後空立前件長蘆山東河東運司於次年三月終
兩浙兩淮運司於次年四月終福建廣東雲南四川運
司提舉司於次年六月終差吏親費奏繳仍造青冊二

本一本送戶科註銷一本送本部查照若有過期并數目不清及虛出捏造者查究問罪 又令兩淮運司守支客商成化十五年以前無鹽支給者許收買竈丁餘鹽以補官引免其勸借米麥成化十六年以後至二十年以前正支不敷者亦許買補該勸借賑濟米麥仍照支鹽分數上納二十一年至二十三年已辦未完者嚴限追補完足給與各年應支客商不許收買餘鹽該勸借賑濟米麥亦照例上納 又令行鹽地方捉獲私鹽

所在官司盤驗數目并將私鹽舡隻通行變賣銀兩解
送運司造冊類解 又令兩浙運司各場竈丁有離場
三十里內者全數煎辦三十里外者照水鄉事例全准
折銀每年十月以裏徵完解送運司類解本部其折銀
則例每一大引浙西六錢浙東四錢候鹽法通照原定
數目徵納仍查各該鹽場某場原額鹽課若干竈丁在
三十里內者若干在三十里外者若干造冊五本各場
一本運司本布政司巡鹽御史本部各繳一本以備查

考 又令靈州鹽課司行鹽地方仍舊於平涼靜寧隆德政平慶陽環縣等處 增置河東解鹽中場分司并給印信 三年奏准凡客商未支引鹽不分存沒已未到官但過三十五年者俱不准告關其流通底簿并勘合文簿盡行銷繳 七年奏准凡竈丁死絕充軍者即以本場新增出幼空閑人丁撥補如無方許於附近民戶僉補 八年奏准凡客商軍舍人等敢有貨賣私鹽及於親王之國收買私鹽買求軍舍人等夾帶及跟隨

軍舍人等私自買者犯人并牙保依律例發落鹽入官
干礙本府輔導官員一體叅問若各該地方官員縱容
越過者聽本部叅究連坐 令兩浙運司竈戶若事故
例當新僉者止許府縣查補照例納銀湏丁事故方許
運司勾充俱各明立簿籍查考其場官催目人等敢有
將銀課改作鹽課竈戶捏作湏丁一槩朦朧勾擾者俱
問以枉法贓罪 十三年奏准越境興販官私引鹽至
二千斤以上者問發附近衛所充軍原係腹裏衛所者

發邊衛充軍其客商收買餘鹽買求掣執至二千斤以上者亦照前例發遣經過官司縱放及地方火甲里老知而不舉各治以罪巡捕官員乘機興販至二千斤以上亦照前例問發凡貧難軍民將私鹽肩挑背負易米度日者不必禁捕其豪強鹽徒聚衆撐駕大船張掛旗號擅用兵伏響器者巡捕巡鹽官兵尋訪擒捕若拒敵殺傷人命者俱梟首示衆各處鹽場無籍之徒號稱長布衫趕船虎光棍好漢等項名色把持官府詐害客商犯

該徒罪以上及再犯杖罪以下者俱發邊衛充軍凡偽造鹽引印信賄屬運司吏書人等將已故并遠年商人名籍中鹽來歷填馮在引轉賣驅騙財物為首者依律處斬外其為從并經紀牙行店戶運司吏書一應知情人等但計贓滿貫者不拘曾否支鹽出場俱發邊衛充軍又令各王府不許奏討食鹽其織造官有奏討引鹽越境貨賣者聽本部并戶科論奏治罪十四年令兩淮行鹽地方有司凡遇商人運到引鹽即拘告報數

目於賣畢追收退引按季繳送運司聽巡鹽御史年終
通查具奏如有不繳至五千引之上者該府州縣官聽
本部叅奏問罪

清理鹽法官員

事例

永樂十三年差御史給事中內官各一員於各處開支
鹽課 十四年差監察御史一員巡視河間運司私鹽
宣德十年差鹽察御史一員於兩淮通州狼山鎮守

提督軍衛巡捕私鹽

正統元年差侍郎及監察御史

巡視長蘆等處私鹽

二年取回兩淮巡鹽御史三

年取回兩淮兩浙長蘆整理鹽法內外官及御史等官

又令兩淮兩浙長蘆等運司每歲各差御史一員巡

視及催督鹽課

十一年令長蘆巡鹽御史兼理山東

鹽法 景泰元年差侍郎二員清理兩淮兩浙鹽法

二年取回兩浙巡鹽御史令鎮守侍郎兼理鹽法 三

年令巡河御史兼理兩淮鹽法裁省巡鹽御史 又差

監察御史二員於兩浙兩淮巡鹽 七年令廣西按察

司各道分巡官兼催督各該鹽課司鹽課禁革奸弊

又令四川按察司各道分巡官兼督鹽課 天順四年

令山西按察司分巡該道官兼巡視河東鹽池 成化

四年差都御史一員清理兩淮鹽法 九年差監察御

史一員於河東運司巡鹽 十七年令雲南布政司提

督銀場叅議兼理鹽法 弘治元年差侍郎二員兼僉

都御史清理兩淮兩浙鹽法 二年令福建清軍御史

兼理鹽法仍照兩淮等處巡鹽御史例年終具奏催辦
過鹽課 六年添設廣東按察司僉事一員專理鹽法
十三年差都史一員清理兩淮鹽法

運司鹽場官吏禁約

事例

正統元年奏准各鹽運鹽課司及各場官吏考滿考退
等項到部者俱送戶部發回住俸責限催辦未完鹽課
其應考滿未起程者免赴京亦住俸催辦完日奏請定

奪景泰元年令各鹽場大使守支九年應考滿者原
經收已派商鹽年久不至准給與後到客商其餘不盡
之數交盤見任官攢依例給由令運司同知副使判
官等官各定分司催督鹽課不得更易互管仍按季具
數總司查併遇有考滿止開該催分司鹽數稽考及有
事故等項但許附近分司帶管不得轉委二年令各
處歲辦鹽課經管官員務依時催督煎辦按季開報合
于上司年終出給總足通關奏繳如有拖欠該九年考

滿住俸催完方准給由又令各運司提舉司官吏縱容
庫役門子那移作弊及分司官員鹽課司官攢通同富
豪總催鑊秤人等詐害客商批驗所監掣官員并官攢
作弊害人受贓滿貫者俱發邊衛充軍 成化十六年
令各處鹽課次年正月不完者該場官住俸杖追分司
并運司官以十分為率三分不完者一體住俸其各官
三年六年考滿巡鹽御史查勘任內鹽課完足方許起
送若九年考滿所督鹽課過違年限不完者查送吏部

降二級叙用官攢丁憂事故等項從巡鹽御史委官查盤經手鹽課交付接管官攢方許離任每年終分司各將辦過鹽課開報巡鹽御史查盤造冊奏繳 二十一年奏准各鹽場官皆周歲考滿即守支所辦鹽課其有支盡附餘盤與見任官接管給由不得任外久住及任內托故去任每三年即令各處盤糧給事中御史查盤弘治元年令各處鹽場官仍舊九年考滿 二年令巡鹽御史查考各處該年鹽課其有延至次年六月終

不完者於本衙門遞降一級運使六年不完者一體施行又令各巡鹽御史清查各運司提舉司鹽場官自成化元年以後未經考退者不分在任改任但於任內有報足通關而虧欠鹽課一千引之上者俱作素行不謹一萬引者俱作貪官分司三年之內所屬場分各年有報完虧欠者亦作不謹六年亦所貪官俱行吏部定奪其攢典不分見役去役俱發為民又令各鹽場官攢如遇分司官吏到場及相識官員經過科派總催頭

目出辦銀貨答應者計贓彼此俱罪其稱拜見銷牌解冊者俱問擬入已之贓若書筭皂隸吏典人等下場求索者仍坐親管官銓束不嚴之罪各該運司每場置立循環簿二扇責見役總催每月附寫使用數目於上月終賚送運司遞換書寫巡鹽御史不時查究 八年令各運司運使及分司官任內鹽課拖欠者不許赴部考滿及別陞官職 十二年令各運司官考滿務開任內各年分已辦過正課若干補課若干如正課已完補課

未完者亦不許申送給由

茶鹽引印

戶部鹽引之印篆文一顆

戶部茶引之印篆文一顆

鹽糧勘合并茶鹽引由契本銅版

鹽糧勘合銅版一片

茶糧勘合銅版一片

鳳陽府廣濟關勘合銅版一片

長淮關勘合銅版一片

兩淮都轉運鹽使司銅版二十四片

兩浙都轉運鹽使司銅版二十一片

福建都轉運鹽使司銅版四片

廣東鹽課提舉司銅版二片

梧州府銅版一片

海北鹽課提舉司銅版二片

黑鹽井鹽課提舉司銅版二片

河東都轉運鹽使司銅版四片

安寧鹽井鹽提舉司銅版二片

白鹽井鹽課提舉司銅版一片

河間長蘆都轉運鹽使司銅版二片

四川鹽課提舉司銅版一片

五井鹽課提舉司銅版一片

靈州鹽課司銅版一片

鞏昌府銅版一片

威楚鹽使司銅版二片

延安府銅版三片

廣西布政司銅版二片

茶鹽銅版三片

涼州鹽課司銅版一片

契本銅版五片

安寧鹽使司銅版二片

龍江鹽倉銅版一片

建昌府銅版二片

茶由銅版一十片

應天府置石灰山關銅版一片

龍江關半印勘合銅版一片

事例

洪武間戶部茶鹽引印及鹽糧勘合并茶鹽引由契本銅版俱收貯內府戶科編號木記收貯戶部凡遇各處急缺糧草則戶部奏請印刷編定召商開中正統十一

年以戶部改為南京戶部具奏鑄換印與銅版各增南京二字於戶部之上仍收貯南京內府戶科遇開中本部差官至彼印刷編定賫赴開中處所給發其印及銅版本記用使年久平乏模糊則奏請改鑄刊造

權量

權量本部掌行其制造見工部

斛斗秤尺

諸司職掌

凡天下官民人等行使斛斗秤尺凡有一定決則頒行
各司府州縣牧掌務要如式成造較勘相同印烙給降
民間行使其在京倉庫等處合用斛斗秤尺等項本部
較勘印烙發用

明令

凡斛斗秤尺司農司照依中書省原降鐵斗鐵升較定
則樣製造發直隸府州及呈中書省轉發行省依樣製
造較勘相同發下所屬府州各府正官提調依法製造

較勘付與各州縣倉庫收支行用其牙行市鋪之家須
要赴官印烙鄉村人民所用斛斗秤尺與官降相同許
令行使

事例

洪武元年令兵馬司并管市司三日一次較勘街市斛
斗秤尺并依時估定其物價在外府州各城門兵馬一
體兼領市司 宣德七年令重鑄鐵斛每倉發與一隻
永為法則較勘行使 正統元年令各布政司府州縣

倉分歲收糧五十萬石及折收倉庫歲收布絹等物十萬疋以上者工部各給鐵斛一張銅尺木各一把景泰二年令工部成造等秤天平各四十副頒給本部及在外支收衙門掌管用使其所屬衙門許依式成造應用成化五年以新舊鐵斛大小不一仍令工部照依洪武年間法則鐵斛式樣重新鑄造發江南江北山東河南兌糧處令各處兌糧官員依式置造木斛送漕運衙門較勘印烙給發交兌以為永久定規十五年令

鑄鐵斛頒給江西湖廣二布政司及各兌糧米次并支糧倉分較造木斛印烙收用其鐵斛仍識以成化十五年奏准鑄成永為法則十三字及監鑄官員匠作姓名於上 又令京城內外并順天府所屬地方凡諸色貨物行人依式製造平等斛斗秤尺天平等件赴官較勘印烙方許行使違者如律治罪兩隣知情扶同隱匿互相借用者事發一體究治

時估

物貨價值高下不一官司與民貿易隨時估計已具諸司職掌今以內外買辦物料備列于後而贓罰時估則見刑部光祿寺買辦厨料見本寺職掌之下

諸司職掌

凡民間市肆買賣一應貨物價值須從州縣親民衙門按月從實申報合于司遇有買辦軍需等項以憑照價收買

明令

凡內外軍民官司並不得指以和顧和買擾害於民如
果官司闕用之物照依時值對物兩平收買或客商到
來中買物貨並仰隨即給價如或減駁價直及不即給
價者從監察御史按察司體察或赴上司陳告犯人以
不應治罪

憲綱

一時估仰府州縣行屬務要每月初旬取勘諸物時估
逐一覆實依期開報毋致高擡少估虧官損民

一上司收買一應物料仰本府州縣照依按月時估兩平收買隨即給價毋致虧損於民及縱令吏胥里鋪戶人等因而尅落作弊

事例

宣德八年令各處買辦諸色物料聽差覈實大戶賈價於出產地方收買供用 九年令應天府買辦物料於都稅司支鈔給主 正統二年令買辦物料該部委官一員會同府縣委官拘集該行鋪戶估計時價闕出官

錢仍委御史一員會同給與鋪行收買送納 三年令
買辦賞賜達官器皿及鄉試會試合用紙劄等物并遇
有買辦之類皆估計價鈔數目照舊具奏限一月內赴
庫領散不許過違如官司暫用輦卓器皿係買辦者用
畢送工部廠寄收以待再用 八年令朝廷所用物件
免有司買辦查出產地方於存留糧內折收解京沿途
官司應付船隻脚力南直隸府并山東者送北京該衙
門收福建廣東浙江湖廣江西四川者送南京該衙門

收歲終具奏 九年令歲用果品厨料照舊支領官錢
派買不許於存留糧內折徵 令凡遇造作等項急用
物料止於官庫關用有不敷者方許具奏先給官價派
買 景泰六年令京城內不係常久開張鋪面及小本
出攤提買等項買賣俱免買辦

明會典卷三十六